



U okviru projekta „EU4BusinessRecovery“ sufinansiranog od strane Evropske unije i Vlade SR Njemačke, provodi se projekat “Nature for Recovery“ unutar kojeg Općina Centar Sarajevo u partnerstvu sa Kantonalnom javnom ustanovom za zaštićena prirodna područja i Sarajevskom regionalnom razvojnom agencijom SERDA, raspisuje:

Javni poziv malim i srednjim preduzećima, obrtnicima i registrovanim seoskim domaćinstvima koji djeluju u sektoru turizma i pružanja turističkih usluga s područja općine Centar Sarajevo

Projekat nastoji poboljšati ekonomske aktivnosti na širem području Skakavca, između ostalog, i izgradnjom kapaciteta pružalaca turističkih usluga. Projektne aktivnosti osmišljene su za rješavanje identificiranih problema i poteškoća s kojima se susreću subjekti koji posluju u sektoru turizma, a doprinijeće se i razvoju ekonomske aktivnosti i ublažavanje ekonomskih učinaka uzrokovanih pandemijom COVID-19 na području općine Centar, Kantona Sarajevo i BiH.

Projektne aktivnosti rezultirat će oporavkom turističke aktivnosti, povećanjem broja posjeta, čime će se povećati prihodi ostvareni od turizma. Aktivnosti će omogućiti turističkim ponuđačima na području općine Centar bolje prezentiranje i prodaju novih turističkih proizvoda. Uz povećanje kapaciteta korisnika za pružanje usluga, poboljšaće se vidljivost i položaj na tržištu, uvrštavanje u turističku ponudu.

U cilju izgradnje znanja i jačanja kapaciteta pružatelja turističkih usluga koji djeluju na širem području Skakavca, organizirat će se treninzi za 50 osoba iz lokalnih biznisa koji pružaju turističke usluge. Sveukupno, 4 treninga bit će organizirana u Sarajevu do kraja 2022. godine.

Teme koje će biti obuhvaćene treninzima su:

1. **”Standardi zelene destinacije”** - Good Travel Seal - planira se pružiti informacije o zelenim standardima, zahtjevima i procesu certificiranja te pripremiti sudionike za prijavu za Good Travel Seal. Namjera je da se kroz ovu aktivnost polaznici edukacije upoznaju s postojećim standardima, karakteristikama, zahtjevima i procesom certificiranja za zeleno poslovanje. Deset (10) sudionika bit će odabrano na temelju utvrđenih kriterija i podržani kroz projekt za dobivanje Good Seal Travel
2. **”Kako privući turiste i sponzore”** - planiran je kao edukacija za podizanje znanja i poslovnih vještina pružatelja turističkih usluga
3. **”Korištenje digitalnog marketinga za promociju, prodaju i daljnji razvoj svog poslovanja”**
4. **”Postupanje u teškim i nepredviđenim okolnostima”** (kao npr. situacija sa COVID-19) te kako izraditi plan mjera za zaštitu (OSH).

Cilj ovog otvorenog poziva je identificirati polaznike koji će imati koristi od treninga u svojim svakodnevnim aktivnostima koje su u vezi sa turizmom.

Implementiraju:



Prihvatljivi kandidati:

Pružatelji smještaja (npr. hoteli, pansioni, B&B)

Ponuđači hrane i pića (npr. pubovi, restorani, kafići)

Putničke agencije i drugi pružatelji rezervacija

Pružatelji usluga organizacije izleta s vodičem i turistički vodiči

Pružatelji prijevoza putnika (željeznički, cestovni, vodeni i zračni)

Davatelji usluga iznajmljivanja transportne opreme

Pružatelji kulturnih usluga/aktivnosti (npr. kulturne atrakcije)

Pružatelji sportskih i rekreacijskih aktivnosti

Trgovci na malo (tj. karakteristična roba specifična za područje turizma)

Svi prihvatljivi kandidati pozivaju se da se prijave putem e-maila, navodeći:

(i) kontakt podatke,

(ii) opis djelatnosti kojom se bave

Pismo interesa treba poslati na sljedeću e-adresu: munevera.hodzic@centar.ba, s referencom: „Skakavac Nature for recovery”, otvoreni poziv za korisnike treninga”

„EU4BusinessRecovery” je projekat Evropske unije koji pruža podršku Bosni i Hercegovini u ublažavanju ekonomskih posljedica izazvanih pandemijom COVID-19. Projekat je vrijedan 13,7 miliona eura, a zajednički ga finansiraju Evropska unija (13 miliona eura) i Savezna Republika Njemačka (700 hiljada eura). Zajedno ga provode GIZ, ILO i UNDP, od januara 2021. do juna 2023. godine.

Rok za apliciranje: 15 dana.

S poštovanjem,

Srđan Mandić
Opštinski načelnik

Implementiraju:

